

अरजी म्हारी साम्भलो माजीसा अवतारी ओ



अरजी म्हारी साम्भलो,
माजीसा अवतारी ओ,
सायल म्हारी साम्भलो,
मायड़ मोत्या वाली ओ,
जसोल गढ़ में आप बिराजो,
महिमा जग में भारी ओ,
जसोल गढ़ में आप बिराजो,
महिमा जग में भारी ओ जे ए हा।bd।

आप रो मै ध्यान लगायो,
सुनजो सायल म्हारी ओ,
आप रो मै ध्यान लगायो,
सुनजो सायल म्हारी ओ,
राती जोगो थारे नाम रो,
आवो मोत्या वाली ओ,
राती जोगो थारे नाम रो,
आवो मोत्या वाली ओ जे ए हा।bd।

दुखडा घणा है म्हारे जीव ने,
सुनजो माता रानी ओ,
दुखडा घणा है म्हारे जीव ने,
सुनजो माता रानी ओ,
डगमग डोले नाव भंवर मे,
लिजो आप ऊबारी ओ,
डगमग डोले नाव भंवर मे,
लिजो आप ऊबारी ओ जे ए हा।bd।

सब देवा ने छोड़ माजीसा,
आयो शरणे थारी ओ,
सब देवा ने छोड़ माजीसा,
आयो शरणे थारी ओ,
आप नी आया भक्ता रे वेले,
हंसी उडासी म्हारी ओ,
आप नी आया भक्ता रे,
हंसी उडासी म्हारी ओ जे ए हा।bd।



सती स्वरूपा नाम आपरो,
भाटी कुल मे जाई ओ,
सती स्वरूपा नाम आपरो,
भाटी कुल मे जाई ओ,
आगे भगत अनेक तारीया,
अबके म्हारी बारी ओ,
आगे भगत अनेक तारीया,
अबके म्हारी बारी ओ जे ए हा।bd।

घूमर रमता आवो माजीसा,
बाटा जोवा थारी ओ,
घूमर रमता आवो माजीसा,
बाटा जोवा थारी ओ,
आज री पावन वेला मे,
जय जयकारा थारी ओ,
आज री पावन वेला मे,
जय जयकारा थारी ओ जे ए हा।bd।

अरजी म्हारी साम्भलो,
माजीसा अवतारी ओ,
सायल म्हारी साम्भलो,
मायङ मोत्या वाली ओ,
जसोल गढ़ में आप बिराजो,
महिमा जग में भारी ओ,
जसोल गढ़ में आप बिराजो,
महिमा जग में भारी ओ जे ए हा।bd।

गायक – प्रकाश माली जी।
प्रेषक – मनीष सीरवी।
(रायपुर जिला पाली राजस्थान)
9640557818
